

諫議疏稿卷之二

禮科都給事中臣王之垣謹  
題為懇乞



聖明飭

朝儀以肅人心事臣等竊惟

人君其尊如天君道之分也人臣敬君如天臣  
道之分也然禮莫重于敬君而敬當先于  
朝儀恭遇

正旦令節一應



言請與和卷二  
慶賀禮儀該禮部題奉

明旨欽遵施行臣等不勝慶戴夫復何言但念  
臣等猥以愚劣濫叨侍從仰見我

皇上御門

陞殿百官

朝參之際禮容之敬怠員數之多寡迥然不  
同茲當

慶賀大典正群心快覩之時萬國衣冠之會也  
臣等職掌所關敢緘默不言而自取職曠

之咎哉切惟我

皇上御門

親政

天威咫尺御史侍班森然在列凡謝

恩見辭官員稍有違越失儀候鴻臚寺官高  
唱奏事隨行

面叫聽候

明旨是糾儀者得以自盡而  
朝參者固凜然而不敢肆矣惟



言議疏稿 卷二  
百七  
陸殿之日百官

朝參或起伏傾側或交頭偶語或班次參差  
或踰位攙越或指點窺望又有甚者率意  
偷安無故不朝夫當

陸殿之日我

皇上體勢愈尊臣子敬謹當益隆也顧不若  
御門之時何也蓋

陸殿之日百官有失儀者必具本糾奏不敢  
面糾臣嘗備查

大明會典亦只云

陸殿有違越失儀者從監察御史糾劾並無  
面糾之詞是

陸殿極尊嚴之地非奏事之期與

御門之時實為不同侍班御史既不敢違例  
面糾即欲具本指名糾奏御史立於

殿臺之上相去隔遠數丈觀望疑似是非混淆  
其于指名尤為不便夫

朝儀既不宜怠玩而糾察又限于隔遠查得



言言 卷二  
大明會典內凡朝班例該監察御史二員糾察  
失儀似難增設臣等又再三議擬禮以義  
起義因時制如使

朝儀得復尊嚴之舊規則增設似不必拘於  
舊例之異同合無於

陞殿之日添設糾儀御史并鴻臚寺官各四員  
立於東西

丹墀之下就近稽察凡有前項違越失儀指名  
叅奏庶為便益臣又查得近該御史郝杰

題為糾儀事奉

聖旨近來朝儀不肅人心好生怠玩今後如覺  
朝叅官數少侍班御史并鴻臚寺官即便  
照例糾奏請

旨點開該部知道欽此臣等竊謂當此  
正旦令節

慶賀大典乞

勅該日侍班御史等官遵照  
明旨請



旨點聞不到者具奏罰治以警怠玩再照在外  
進京一應公幹文武官員并監生生員吏  
典人等率多怠玩不赴行禮均屬違慢合  
無預先出給告示曉諭進京官員勿申  
府部大小等衙門堂上官至日嚴督所屬  
前赴

朝叅如有托故及回護者容臣等訪察指名  
叅奏夫我

皇上當膺乾納祐之時

正始大慶之日凡為臣子孰無葵向之心孰無  
山呼之願臣等輒敢冒塵

天聽復欲申飭將以振朝儀於久玩之後一人  
心於履端之始耳伏乞

勅下禮部都察院并鴻臚寺再加酌議如果臣  
等言有可採即

賜施行則於

慶賀典禮未必無小補矣緣係懇乞

聖明飭



朝儀以肅人心事理未敢擅便謹題請  
旨

隆慶貳年拾貳月拾柒日奉  
聖旨禮部知道

禮科都給事中臣王之垣謹  
題為看詳章奏懇乞

聖明懲不恪以重

君命事本月拾壹日臣等本科接到禮部主客  
清吏司主事高則益送到原接

會極門發下

周府等府奏為

進香等事

王本四本禮部衙門題為禮儀等事部本三  
本臣照常查驗收掌外隨該本官面稱原  
接到

王本并部本十本因付于抄呈吏高一清上  
號內傷損三本未送等情臣等竊惟人臣  
以敬事為忠



封章以叅捧為敬叅照主事高則益接本付吏  
遂致損傷原情雖非故縱論事責亦難辭  
伏乞

勅下該部將主事高則益量加罰治以為人臣  
臨事不敬之戒其抄呈吏高一清損傷本  
章恐有別情合行法司提問再照損傷本  
章若非奉有

明旨誠恐日後  
進繳不便合候

命下容令臣照常收掌發抄施行或別有定奪  
緣係看詳章奏懇乞

聖明懲不恪以重  
君命事理臣等未敢擅便謹題請

旨  
隆慶貳年拾貳月拾貳日奉

聖旨高則益等已有旨了本着收繳  
禮科都給事中臣王之垣謹

題為懇乞



言謬疏和 卷二  
聖明正位

中宮以慰人心以光昭

聖德事臣等于本科接到雲南道試監察御史  
詹仰庇題為披瀝忠悃乞加

慰問

中宮等事奉

聖旨后以侍朕多年無子又多病近因病移居  
別宮以暢意樂心或可疾退爾不曉宮中  
事多言姑不究欽此臣等恭捧誦讀再四

不勝相顧駭愕竊念臣等猥以愚劣待罪  
該科事之傳聞疑似未的者既不敢先時

冒瀆

聖聽若已奉

明旨分不容默者又復隱默不言則尸素曠職  
上負

明君下負所學甚矣臣等不足惜也其如我  
皇上聖德何臣等因是不避斧越輒敢塵瀆  
天威伏惟



皇上省覽焉臣切惟君道理陽教而弘化于外  
后道理陰教而正位于中此天地之常經  
一定而不可易者也我

皇上即位以來

首重大倫

孝念先

帝

慈撫

東宮

皇后殿下飲食起居動必與俱中外相傳莫不

頌我

皇上為聖德之主也近日外間道路傳說

皇后移出 坤寧成疾此等言語臣等非惟不

忍聞亦且不敢信我

皇上聖德之主豈有此異常之事哉昨見御史

詹仰庇乞加

慰問

中宮仰荷



明旨臣等始的知

中宮果移居且病臣誦繹

明旨曰因病移居以暢意樂心是我

皇上有體悉

中宮之意欲其自便也 曰或可病退是我

皇上期望

中宮之意欲其速愈也我

皇上聖德若此但以人情言之

中宮乃

皇后本宮果病宜即本宮調理

皇上慰問尤便茲蒙

皇上既以

皇后疾作移別宮調理則疾退自當復還本宮

臣等見近日

中宮千秋令節以來百官

朝參共覩

聖容無憂虞之色竊意

中宮前疾已退



皇上宜令歸還本宮使中外咸知  
皇后始之出本宮者因病移居也繼之還本宮  
者病愈復居也

皇上以厚道表化天下誰不頌

皇上為聖德之主哉若疾退久處別宮誠恐

皇上明旨無以取信臣等緘默不言傳之天下

萬世寧不為我

皇上聖德之累哉我

皇上於天下有父道焉

皇后於天下有母道焉人子於母不得其所則必  
為之懇祈于父務欲父母怡順而後其心  
始安臣等所言實天下臣子之至情不得  
不懇祈于

君父之前者也臣等伏望

皇上聖恩垂念

皇后居

中宮為

祖宗家法之所在為天下母儀之所宗為萬世



公議之所係察臣等愚忠

俯賜允納亟

命

皇后移還本宮天下臣民不勝慶戴臣等干冒  
天威無任戰慄惶懼之至緣係懇乞

聖明正位

中宮以慰人心光昭

聖德事理未敢擅便謹題請

旨

隆慶叁年貳月初貳日奉

聖旨知道了待后疾調理稍愈即還本宮該衙

門知道

禮科都給事中臣王之垣謹

題為恣肆勲臣負

恩陳乞懇乞

聖明究治以振

國法事臣等切惟勲臣必守臣紀而後可以

見戢慎之心必感



君恩而後可以明忠順之義若素掛彈章則戢  
慎之心既不能持之於始陳

竇無厭則忠順之義又不能成之于終據迹推  
心尚知有

朝廷法典也哉謹按南京左軍都督府掌府  
事誠意伯劉世延先年被言官叅論奉

先帝明旨革爵任閑住茲遇我  
皇上

天恩浩蕩

准復原爵為世延者感

恩圖報當何如也詎意

皇上之恩不滿世延之意乃不勝其陳乞之紛  
紛乎夫世延惡迹已經言官指謫臣不暇  
論姑以世延來京言之將為謝

恩乎抑為乞

恩乎如為謝

恩則不宜上乞

恩之䟽若為乞



諫議疏稿 卷二  
恩則不宜假謝

恩之名臣竊意世延蓋以謝

恩為名而實挾祖勲以要

君恩也夫要君無上世延之罪大矣近日臣見

世延謝

恩後即乞

恩補給俸支祿米臣已不勝駭異昨臣本科又

接到世延乞

恩補給伊祖基祭墓享堂儀物等項臣尤不勝

駭異夫伊祖故於貳百餘年之前世延欲

追補

恩典於謝

恩來朝之日且奏內情詞憤鬱不平臣不知世

延何心也臣據疏內查得伊祖故後

累朝恩典在

聖祖則准襲爵食祿矣在

武宗則贈太師諡文成矣在

先帝則配享



太廟矣在我

皇上則又復世延爵於擯棄之餘矣如此

恩典不可謂不隆也世延乃以新建伯王守仁

為言守仁於世延

累朝恩典有無臣不得知但伊祖係開

國功臣守仁當宸濠大變報功

恩典出自

朝廷臣不敢輕議特以世延受

皇上復爵之恩未報萬一而徵求之疏一旦再

上伊祖故貳百餘年何不陳乞于

先朝世延事

先帝甚久何不陳乞于

先帝乃汲汲于

皇上准復原爵之時世延謝

恩來京之日若使狗其無已之求益啓覬覦之

念惠褻而威不振此實階之矣世延何敢

恣肆若此也參照誠意伯劉世延狡獪成

性欺縱有聲當參革之日全不省愆假謝



恩之名屢行陳乞據其挾私瀆  
奏已為不忠處以留都督府之權竊恐負國伏

乞

勅下該部再加詳議如果世延心行不堪重任  
革去管事以為人臣恣肆之戒庶法紀嚴  
而

朝廷益尊矣緣係恣肆勲臣負

恩陳乞懇乞

聖明究治以振

國法事理未敢擅便謹題請

旨

隆慶參年貳月初柒日奉

聖旨禮部知道

禮科都給事中臣王之垣謹

題為查明

宗藩章奏違例以慎重名封事臣等切惟

宗藩嗣續之始莫重於名封名封奏

請之格載諸



宗藩條例甚詳

頒行天下甚久各該

王府具奏罔不恪遵間有一二違錯臣等查

照

明例叅駁未有甚者近日臣等本科接到

靖江王奏

請名封合府通計八十餘位俱不開寫父母婚

配曾否奉到勘合緣由又奉國將軍邦菊

奏內娶唐氏為婚開稱遵本府相傳舊例

原不

請封典臣等不勝駭異切惟

宗藩婚配

請封

祖宗舊制近年奉

宗藩條例奏格嚴明所以杜冒濫重

宗統也該府所奏倘屬擅婚未經造入

玉牒其所生子女何由得

請名封臣等遵照

東義疏高



明例參駁抄發外切念該府去京萬里各該名封甚衆若不題請

明旨行查似於事體未便伏乞

勅下該部移文撫按速查

靖江王所奏因何不開父母婚配封典緣由或徇私受賄朦朧作弊或需索不遂故意差違或果係擅婚情弊從實參奏前來該部議覆施行庶

明例不違該府奏

請名封亦便臣等再惟各

王府一應奏

請名封等項在

親王則曰已行長史官保勘無弊在

郡王則曰已行教授官保勘無弊但近來具

奏不的冒封等弊踵襲相承恬不知戒原

日保勘徒為虛文茲當六年藩僚考察之

期伏乞

勅下禮部將六年以裏各



王府具奏曾經叅駁發覺一應情弊長史教授官保勘具奏列名者盡數查出造冊咨送吏部與各該撫按造到賢否文冊叅酌平覈以憑汰黜庶藩僚知警保勘益慎其於

宗藩事體不無少裨益矣緣係查明

宗藩章奏違例以慎重名封事理臣等未敢擅便謹題請

旨

隆慶叁年貳月奉

聖旨禮部知道

禮科都給事中臣王之垣謹

題為懇乞

聖明早端

儲教以重大本事臣等竊惟太子者天下之本也治天下先重其本重本之道無他惟輔翼之具豫焉耳昔周成王之為太子也方在襁褓之中即命周公為太傅召公為



太保史佚昭文章伯禽唐叔相與游習日  
見正事聞正言行正道比其長也涵養已  
熟血氣已定一切聲色嗜好不能移易其  
心用能宥密基命光顯大業為成周令主  
蓋其教豫也漢儒賈誼有言曰太子之善  
在早教諭與選左右豈虛語哉欽惟我

皇上峻德光先

洪猷啓後向者肇舉

罔立

東宮大禮中外臣民不勝瞻仰不勝慶戴臣  
等愚劣備員侍從仰見我

皇太子殿下岐嶷天縱睿質夙成主鬯承祧  
誠億萬無疆之福也在

今宮闈之內我

皇上動容周旋莫不中禮

皇太子見之固有默然而喻者

聖學高遠

經筵日御



皇太子聞之固有曉然而循者

真愛流通

大教浹洽豈臣下所能仰禪萬一哉臣等切念  
自古帝王慎重儲闈由師保以及侍御僕  
從之職必遴選正人而用之我

成祖文皇帝即位之初

宣宗章皇帝冲年即

命出閣就學

諭講讀諸臣曰人於學問常以先入之言為主

爾等宜盡心開導凡經史所載孝弟仁義  
與夫帝王大訓可以經綸天下者日與講

論我

憲宗純皇帝於拾肆年叁月

命皇太子出閣簡儒臣充

東宮官時我

孝宗敬皇帝計年未足八齡固已日親師傅迄  
為

聖主



祖宗貽謀家法之永鑑也向當

皇太子

用立之初給事中張鹵題稱慎選

東宮內外官僚蒙荷

聖旨特賜允俞我

皇上之心即

祖宗貽謀之心也比時

內廷官僚固已遵奉

明旨施行惟外廷應選官僚時尚有待茲當三

陽開泰萬象咸新我

皇太子妙齡益增

睿智益啓開講事宜若不酌量舉行切恐歲月

易往因循易遷知誘易感諛順易入後雖

有碩儒端士為之保傅無益也先臣少詹

事吳寬

東宮進講疏謂習讀于內終不若出就外傳

親近儒臣講習治道所得為多誠確論也

伏望



皇上遠法帝王之弘猷近守

祖宗之成憲

勅下內閣會同禮部大臣酌議

皇太子開讀事宜

東宮官屬雖不必備設亦宜少選德行老成

學識純正者數員擢居詹事春坊等官請

命皇太子自今春和之後每五日至

文華殿就儒臣授書寫做一次還

宮之後內臣依局讀教之俟年長八歲乃日

至焉如此庶涵育有漸而德性益純蒙養  
克端而聖功日懋矣臣等再惟

皇太子正位

東宮之後例應遵照

祖宗舊典舉行慶

賀朝參啓事等禮節該禮部題奉

聖旨暫免欽此臣等竊謂

皇太子冲年固未可勞以繁數之禮然

祖宗舊典亦宜漸次舉行伏乞



諫議疏稿卷二  
勅下禮部今歲

皇太子應行禮儀一併酌議我

皇太子習見外廷尊卑之分禮儀之節民物  
之宜將識見日廣智慮日益亦未必不為  
儲養之助矣臣等瞻望

威嚴不勝激切懇悃之至緣係懇乞

聖明早端

儲教以重大本事理臣等未敢擅便謹題請

旨

隆慶參年正月拾貳日奉

聖旨已有旨了

禮科都給事中臣王之垣謹

題為通詳章奏披瀝愚忠直陳

君道切要以隆

聖治事臣等本科職掌內外大小臣工敷陳時  
政章奏邇者伏遇

先帝禫制已終

皇上膺運即吉正治化大新之時也臣等切念



諸臣前項章奏奉有

明旨或賜允而猶有未行或行之而尚有未盡  
從而舉之臣之職也隨照原本

旨意存科逐一看詳于隆慶元年柒月內該都  
給事中馮成能題為乞

弘虛受隆

聖治等事奉

聖旨聽諫乃朕素心說的是的未嘗不即嘉納  
欽此大哉

皇言誠

宗社萬年無疆之福也比詳諸臣上封獻議咸  
殫忠竭思仰荷

聖明採錄多所施行臣等相慶曰此我  
皇上嘉納之明驗也及通詳奏章內惟  
君道切要一事屢奉

旨允納迄今未盡施行臣等竊以諸臣疏內惟  
此事甚懇况節奉

明旨豈敢緘默不舉以負我



言議疏稿卷二  
皇上嘉納之盛心也哉因是不避鉞斧輒塵  
天聽夫所謂

君道切要者蓋自古帝王以迄于我

朝

祖宗相傳以來以延訪治道為切要也其延訪  
實跡載諸史冊及

皇明政要通紀諸書咸可考見我

皇上神聖御世中外臣民咸謂將紹

祖宗之美繼帝王之盛也參年于茲惟見

朝講之後

深宮之中

宸禁晝嚴乘輿天遠曾未

款召大臣

清問外事萬幾之繁不謀于

聖心神明之斷不昭于天下韜晦英識敦崇淵

靜此臣等之所未解也夫當禪制未終天

下謂

陛下信默不言耳茲亮陰期過訪落未聞將謂



天下事無可勞

聖慮也今民瘼已甚災異頻仍北虜叵測南倭未靖閩廣海寇爭雄惠潮山賊四起天下之大可慮者在焉將謂群臣為

陛下經畧天下事

陛下可置天下事于度外也綱領柄權皆在

陛下即有臣為

陛下力任天下事自非親奉

綸音無以風勵天下臣試即一事徵之往歲

寇猖獗石州失守一時人情洶洶莫知所措我

皇上御

文華殿

面諭廷臣防虜大計中外臣民莫不聳動臣聞上年秋防各邊將士皆礪刃秣馬奮思一擊是以醜虜聞風屏跡皆賴我

皇上面諭廷臣之所致也但自去歲秋防以來各邊有虜賊搶番之說未免因循玩愒今



歲秋防實可隱憂不識

陛下以為何如也由是推之天下之事待

陛下振作者大率類此矣

陛下誰憚而久不為也臣恐

左右之臣獻諛

陛下者曰

先帝朝講久廢

陛下循

御門之故事復

聽講之儀文足盡

君道外此夫何所事哉臣謂此言者欲壅

陛下之明便一己之私者也臣聞

先帝初年

御經筵則與講官論經理

御便殿則與輔臣講論治道即遊晏歌詠之事

亦無不與輔臣同之春遊詠和集可考也

先帝經理天下垂貳拾年紀綱大定內外又安

始免



言言 卷二  
朝講然於諸臣章奏事體稍重者又未嘗不  
親自裁決比及臨終尚有遺憾惓惓以蓋  
愆成美託之

陛下

陛下若徒執

朝講之彌文不究

朝講之實事豈不負

先帝屬望之意哉伏願

宸衷感悟及時

勵精無以目前之安為足恃無以晏安之樂為

無傷

攬威福之權

防壅蔽之患

弘虛受之量

納忠謹之言時

御便殿

召宰輔諸臣

訪論治道凡人才之邪正政事之得失生民之



利病天下之安危夷情之向背日得

上聞則

天聽益廣

聖鑒自精矣至于章疏雖多以臣計之每日除

各衙門尋常題覆及招擬等疏外其應奉

親裁者不過一二事即此一二事疏內緊要處

不過十數語請

命內閣輔臣分別另呈

聖覽間或附以簡明說帖以便

觀省仍許輔臣於

講筵後隨便

面陳

皇上若有所疑即

賜垂問其九卿大臣如有重大事情許隨

內閣入

文華殿面議請

旨仍

令臺諫之臣隨之夫諸臣殫心籌畫事體既明



言言與利  
皇上親賜裁決

乾斷復振人心由是而惕勵

國體由是而尊崇正大光明之業豈不盛哉  
若謂

皇上

朝講後復

親決機務恐勞

聖體請

命通政司量省常套

面奏鴻臚寺酌裁繁文禮節或復

午門之制可也夫自古人君未有不與臣下  
論治道而能成治功者亦未有不成治功  
而得稱

聖主者我

皇上以天縱之資當可為之時舍此時而不為  
何以慰人心何以凝

天命何以光

祖宗之大業何以垂萬世之貽謀哉臣等所以



諫諍疏稿 卷二  
夙夜圖惟思陳愚悃而不能已也伏乞  
皇上垂察使臣等所言無當於

國是不切于事機願

賜罷斥以謝妄言之罪倘

念臣等所言係通詳諸臣奏章且屢奉

明旨允納乞

勅內閣會同該部酌議速

賜施行

宗社幸甚臣等幸甚臣等愚忠激切干冒

天威無任惶懼待罪之至緣係通詳章奏披瀝

愚忠直陳

君道切要以隆

聖治事理臣等未敢擅便謹題請

旨

隆慶參年參月拾玖日奉

聖旨禮部知道

禮科都給事中臣王之垣謹

題為懇乞



聖明慎舉動重典秩以端

內政事本月拾壹日欽奉

聖諭

祖宗之制宮中設六尚皆預教以讀書使稍知禮法茲已缺少着照例選民間子女拾壹以上拾陸以下者參百人進入禮部知道欽此隨該禮部照例題奉

明旨遵行間又于本月拾叁日奉

聖諭選的宮女各府太遠不必選京城內外的

着於明日卯時次候夫人去選巳時進入禮部知道欽此又于本日

召禮部尚書高儀等至

會極門該文書官孫斌口傳該司禮監太監

滕祥奏奉

聖旨明日應時先要參拾人進來欽此隨該禮部懇

請仍遵舊例奉

聖旨已有旨了欽此臣等切惟我



皇上肅清

宮掖妙選淑女蓋稽

祖宗之制將重

內政以端風化凡一切典秩必須如例遵行

庶無瀆越向者先奉

明旨當事諸臣固已祇肅奉行矣而昨日之

間屢屢

聖諭甚至

旨出口傳尤駭聞見揆之典秩似為未妥臣聞

國朝定制凡奉

諭選宮女當事員後挨戶訪報兵馬司中選然

後達之各該御史部屬御史部屬中選然

後達之部堂官總核其數勒令取結治粧

行欽天監擇吉題

請方

命內夫人赴

諸王館選進

內廷舊例詳慎若此今刻期



嚴諭昨日午後奉行之臣差人遍走京城內外  
凡見女童舉封其肘搜求之甚過于攘奪  
愁咨之聲比屋相聞蓋事急則易擾令煩  
則多畏其勢然也夫即使如數完報年貌  
稍宜其戶籍家勢恐難遽知冒進  
宮闈殊為可慮伏乞

勅下該部除已選入外其餘應選人數遵照  
國朝定例寬以時日使得博訪精選務如該  
部所稱戶籍真正家世清白年貌相應氣

質良善者方得中選其有不堪者寧數不  
取盈不許濫冒以

進如此庶事體詳慎

內政有裨矣臣等再惟

人君之尊全在

諭令語云令重則君尊若

諭令已下旋復更易則威權褻而觀聽惑非所  
以信天下傳萬世也伏願

皇上特加慎重自今凡有



諭令先下

內閣再三酌議然後施行既行不復再更至若內侍口傳

聖旨事尤輕褻切恐滋弊各該臣工須請明示不得輒便奉行茲于

聖明大政至為切要是以臣等冒昧言之臣等不勝戰慄祈懇之至緣係懇乞

聖明慎舉動重典秩以端內政事理臣等未敢擅便謹題請

旨

隆慶參年肆月奉

聖旨禮部知道

禮科都給事中臣王之垣謹

題為懇乞

聖明俯允部臣疏

請亟罷買玉昭

聖德以慰中外人心事臣待罪該科數日以來

聞



內府傳

旨收買回夷玉石數多價費不貲且續傳增買  
尚猶未已該部以先朝回夷進貢無買玉  
之例

先帝時雖間一買之數亦不多以此據例懇  
請停買臣等切惟我

皇上即位以來

躬行節儉一切靡費悉從減省中外臣民莫不  
頌美買玉之事或非

聖意即出

聖意亦未必所買若此之多所費若此之甚也

臣等仰體

皇上節儉

聖德方欲據愚陳悃間隨聞

聖慈垂憫京城商人負累困苦

勅下戶工二部議處一時聞者罔不歡欣鼓舞

臣等竊頌曰我

皇上聰明仁聖若此買玉之事即



言議疏稿 卷二  
允部臣之

請可也何者蓋天地間財物止有此數省一分則民受一分之惠商人所以負累困苦得非財用之不敷哉

皇上聖德之主憫商而不節用臣等之所未解也臣等愚昧謂回夷玉石其不可買者有三敢冒死為我

皇上陳之臣聞比年以來各省災異頻仍饑饉荐臻民庶流移殆有甚于京商之可憫焉

司

國計者又以軍需難支萬不得已分遣四御史朘剥小民膏血以濟邊儲今不以實邊而以值玉小民之心其將謂何此不可者一也

皇上自

先帝禫除以來重

講筵則講章

進呈者催督必預勤



聽政則

朝官稽違者點聞有罰大小臣工以為

皇上勵精若此凡延訪治道啓沃

聖德之事必且次第舉行矣今收買玉石不已

殊駭觀聽夫琢雕鏤刻何益治道珍玩奇

異何裨

聖德群臣之心其將謂何此其不可者二也

明王慎德四夷咸賓方物之獻為

慎德而來也今回夷玉石既

准納其所獻復盡買其所有使四夷聞之啓輕

視之心消向化之誠其如服遠之道何哉

此其不可者三也况

累朝寶藏所積玉石諒不缺乏即今收買亦宜

酌量留用今玉石不分美惡俱存耗用盡

財恐為

聖明新政之累也伏望

皇上俯賜垂省即

允部疏



諫議疏 卷二  
特勅該監將前項玉石已買者量行退還未買者即行停止仍

諭該監今後不得妄行奏

請收買異物以換

新政庶塞違以

昭德中國悅而四夷服矣臣等幸甚天下幸甚

臣等一念愚忠冒瀆

宸嚴無任恐懼祈懇之至緣係懇乞

聖明俯允部臣疏

請亟罷買玉昭

聖德以慰中外人心事理臣等未敢擅便謹題

請

旨

隆慶參年肆月奉

聖旨已有旨了

禮科都給事中臣王之垣謹

題為選士日集懇乞

聖明預飭



言議疏稿卷二  
廷試事宜以重

特典事先該禮部題為陳未議以正士風事奉  
聖旨是開貢原為求才着提學官嚴加考選務  
在得人如無堪貢的罷若濫取充數廷試發  
回每參名提學官降一級本生革廩肄業欽  
此臣等切惟我

皇上法祖右文旁招俊乂向因言官之請暫開  
選士之例蓋將儲雋才以裨實用非徒為  
多士榮遇已也臣等伏讀

聖旨嚴切各該提學官必能仰承  
德意惟公惟慎以重茲選矧多士夙沐

學碑之訓親覩 勲華之光際茲  
曠典其意氣奮於感會精采濯於

龍光者當百倍貢額之士直擬科目之英矣臣  
復何言但念諸士應選而來非精覈無以  
課其能非甄別無以示其公

廷試之制諸凡關防事宜縱不能如科場詳  
備亦須稍加振飭庶幾不負



言言路利 卷二  
特典除試題經義四書義各一道判語一條遵  
照

大明會典開載

聖祖欽定外臣等切議宜令諸士各府連名互  
結以防倩代之弊點檢進入以防懷挾之  
弊預處果餅供應之類以防夾帶之弊嚴  
禁

掖門閑人出入以防傳遞之弊彌縫試卷查  
照科場分別南北中卷編定字號以防偏

重之弊是日仍請

皇上暫免朝參諸士寅時進入各罄所長看卷  
官原無題

請事例但此貢係數十年  
特典不妨慎重合無臨期

內閣擬定許其迴避以遠絕嫌疑其諸士試  
卷文理平通堪以作養者盡數分送兩京  
國子監肄業如有文理踈謬不堪作養者  
遵照原奉



明旨發落夫關防既密鑒別復精將見充養  
國學者多譽髦之士其於

聖明儲才待用之意不無裨益矣伏乞

勅下禮部酌議施行士風幸甚緣係為選士日

集懇乞

聖明預飭

廷試以重

特典事理未敢擅便謹題請

旨

隆慶參年伍月奉

聖旨禮部知道

禮科都給事中臣王之垣謹

題為看詳章奏酌陳邊防大計以圖永安事

臣等於本月初肆日接到遼東地方總兵

官王治道等一本為恭謝

天恩事內稱於地方夾河突入賊營獲捷蒙

恩賚銀兩表裏等情臣等再三展玩治道自叙

剿虜詞工四六竊謂治道武臣乃顧習文



事於邊事匆劇之際初甚異之既而通查各邊總兵官等俱有謝

恩疏俱為擣剿事在宣府總兵官馬芳等則有長水海子之捷在大同總兵官趙苛等則有威寧海等處之捷在寧夏總兵官雷龍等則有敖忽洞之捷蓋不獨總兵官王治道夾河之捷已也其所奏出遼擣剿斬獲數多俱荷

恩賚或以銀兩表裏或以陞級或以錄廕各疏在邊臣則推重本兵在本兵則贊揚

廟謨功張捷伐頌歸

神武威行塞外聲動寰中此等異常屢次擣剿之捷不惟近年未有亦從古以來所罕見也臣等不勝欣躍已而即今追昔則又相與不勝駭疑焉往歲黠虜分道並侵永平等處殘傷殆盡石州四境蕩然一空比時各邊將領竄跡潛形既不聞奮擊於入寇之時又不聞搗勦於乘虛之際辱



國殃民猶有遺恨是在虜賊何其強諸將一何懦也顧今各邊擣剿俱稱竒捷豈虜賊之強者遽懦諸將之懦者遽強哉此事之甚可駭疑不待智者而後知也然豈無其故哉臣聞去歲秋間俺酋糾連各部落頭目搶往西番其勁虜巨寇大勢西行所遺非老弱之夷孽則虜掠之殘氓耳此類雖盡數剿滅其為我中國將來大患者固在也臣觀邊臣奏捷諸疏或謂零賊撲捉哨

夜或謂虜賊近邊意在窺犯以此動衆出邊事本有因功難盡泯然較之大舉入寇則有間也以臣論之向使俺酋等虜無西番之行各鎮諸將即驅之擣剿未必俱能即擣剿亦未必俱勝也不然何前此未有也夫事有輕重患有遲速計邊者不可不酌審也昔宋仁宗以禦虜問知制誥丁度度曰今士氣傷沮若復追窮巢穴輕用人命以快一朝之意非計之得也莫若屯重



言言 兵遠斥堠謹亭障控要害為制禦之全計  
臣視當今之事勢何以異此夫出邊擣剿  
其勞師匱餉與所報首功真偽姑勿論即  
兩兵相接我軍難謂無損此其不可者一  
也夷人相攻自古為中國之利使俺賊聞  
之反戈而來其不可者二也黠虜狡詐  
無故尚欲內侵其或藉口報復則釁端自  
我開之其不可者三也有此三不可諸  
將率然為之蓋競目前之小勝而忘將來

之大患豈不舛哉或謂諸鎮即無擣剿之  
舉虜賊將來未必不為中國患臣謂虜賊  
寇中國縱使不以擣剿致而練兵以待大  
虜則擣剿不無所妨也故與其擣剿不若  
練兵邇年以來虜賊繹騷諸鎮士無息肩  
之日馬無屯牧之時乃今俺酋等賊屏跡  
遠攻此誠中國治兵待釁之時也若能內  
飭紀綱外練戎行休息士卒蓄儲將材以待  
大舉之虜然後振揚



威靈伸華夏之氣寒殪裘之膽豈不盛美哉且夷狄入寇其兆已見臣於本科近日接到宣府巡撫都御史王遴題稱宣府等處沿邊一帶冰雹異常順天巡撫都御史劉應節題稱薊鎮地方地震四次巡按直隸御史房楠題稱河間府滄州地方蝗蝻重災湖廣巡按御史雷稽古題稱辰沅州鄖陽府等處雪雹大水以上災異俱屬陰盛陽微以夷謀夏之象甚可慮也臣又聞邊方來

人謂邊民傳言往歲虜賊入寇石州屯聚日久夷人用中國料水飼馬不慣比及出邊倒死過半今往西番將搶馬以侵中國此等言語未可盡信然以事理度之虜不近寇邊方而遠攻西夷彼何所利而為之其言亦未可盡非也然則為邊臣計者可競小勝而忘大患哉臣等於元年竊見欽奉

聖諭



特命閣臣條奏一十三事仰蒙

聖斷施行計今二年有餘各邊春秋兩防又值無事前項條議諒已行有次第宜令各該巡按御史分款查覈具奏

勅下本兵分別題

請酌有實跡者重行賞賚其漫不經心虛應故事者重加罰治仍限期責成制勝之略萬全之策諒不出此臣聞昔李牧之備邊也日惟脩戰具屯兵犒士而已不遽戰也然

卒大破其十餘萬衆稱良將焉當今諸將豈無若人哉督撫諸臣操節制之權宜恢弘將士之心養威蓄銳以待大敵零騎擾邊拒之不必窮追也臣等此言謂大虜在西番審時度勢宜如此耳若俺酋等西回之日正擊其惰歸之時也各鎮有能遠行哨探制險設伏報有奇功者及大舉入寇正攻其必救之時也各鎮有能相策應援乘虛擣剿者俱許以便宜行事照例



陸賞廢錄夫然則有所不必攻既外無徼  
功以生事有所必攻又非玩寇以殃民  
制馭夷虜之道不無少裨也臣等迂儒不  
諳戎務茲以總兵官王治道等謝

恩諸疏悖違題

准明例牽合四六崇尚浮靡除抄發該部聽候  
類叅外臣等恐其競細務而忘大備也輒  
念及邊計冒昧具陳伏乞

勅下本兵酌議施行臣等幸甚邊防幸甚臣等

塵瀆

天威不勝惶懼懇祈之至為此具

題

隆慶叁年閏陸月奉

聖旨該部看了來說

禮科都給事中臣王之垣謹

題為申飭

恩例以杜濫冒事臣等切惟

恩卹之典



言議疏 卷二  
朝廷褒崇忠良之具然必以天下之公議定  
焉所以昭節制明勸懲也我

皇上嗣登

天統特重卹典臣伏覩

詔書內一款近年病故大臣有應得卹典而未  
得者亦有不應得而得者科道官舉奏定  
奪欽此欽遵隨該科道等官本科都給事  
中辛自脩等舉應得卹典者如原任大學  
士楊廷和等不應得卹典者如尚書邵允

節等已蒙

勅下本部議覆施行外又該本科署科事左給  
事中張鹵等題為再議應加卹典諸臣等  
事該本部覆題該撫按等官具奏前來本  
部議擬覆題節奉

欽依或以贈謚或以祭葬或以廕錄

皇恩浩蕩霑被遐幽真如日月之無遺明天地  
之無遺澤也我

皇上覃敷之恩諸臣邁逢之盛可謂厚幸矣即



今

卹典諸臣將完若不申飭

恩例竊恐恩推於一時他日希覲者比之以為  
故實恩被于一人將來效尤者引之以為  
事例夤緣易起冒濫多端非所以示優卹  
寓激勸也查得文官祭塋例如被劾去職  
者特為停止未經考滿者減半造塋侍從  
邊功者覈實具題雜流出身者不許續奏  
等項事例至明切也但時久弊滋乞恩者

多遠年病故大臣巧為比附不曰與某例  
未合也乃曰有某人例也詞涉朦朧意含  
疑似雖多叅寢立案而倖冒者時亦有之  
臣等切詳恩卹之人雖即應得之例但以  
人為例則影射難憑以例為率則簡便易  
遵合無今後乞恩止許比例不許引人但  
恐事例開載尚未詳備則比附者漫無可  
據伏乞

勅下該部遵照



大明會典并見行文官祭墓等例逐一查覈某例相應遵行某例相應停止照依

宗藩條例格式分品列款以歷年有行類叙在前以應加卹典開具前件折衷數語附具于後以便引用仍創立奏格將履歷實蹟及曾否被叅明白直陳以後乞恩俱照此例不許將遠年病故大臣姓氏混入以滋影射臣又查得先年兵科給事中任有齡題稱大臣卹典乞要深杜請求備加論

定一節該本部題奉

欽依遇有文武官陳乞祭墓除例不該給者立案不行外其或例雖應得而行業無稱勲勞未著則以全給擬作半給半給擬作有祭無墓或罪過昭彰公論共棄則不問例該全給半給徑與立案夫不盡據事例仍詳稽行實此誠伸公議寓激勸之道也臣等以為欲伸公議宜杜私乞查得先年本科都給事中王鑾題稱大臣病故例應卹



言言 卷之二  
二百九十二  
典者在任由各衙門致仕等項由所在官  
司俱與從公明白保勘具奏免其本家自  
行陳乞該本部覆題在外致仕等項必待  
有司具奏恐家道貧難子孫微弱官府留  
難未便等情臣等切謂恩卹事例若詳明  
大備頒行天下使人人得有所據則官府  
自不得留難免其本家陳乞則貧難微弱  
者得省路費即如近日再議應加卹典事  
例撫按舉奏未為不便合無斟酌時宜凡

兩京見任及見任官之父母曾受本等封  
病故應得卹典者許令本家自行奏  
請本部查例覆題其在外致仕等項不分遠年  
近日行令有司或撫按具奏本部詳稽行  
查擬覆施行庶陳乞不由本家則私意不  
得干其間而  
恩典出自

朝廷則公道昭明於世矣再照勲戚等項恩  
卹近來亦多妄意陳乞章奏紛沓合無一



并查議條例施行是亦所以示  
令典之畫一昭

聖制之公平也緣恩卹事例節該先年本科都  
給事中葉紳等及近年本科都給事中周  
采等各先後題請申飭茲當我

皇上覃恩大沛之後典制一新之始臣等職掌  
所關分不容默伏乞

勅下本部查酌施行臣等幸甚臣等干冒  
天威不勝戰慄懇祈之至

隆慶參年奉

聖旨禮部看了來說



諫議疏稿二卷終

